

KANCAALAYA

Kutulu

Kancaalaya takolaya taa cəneye tə naaki pə tənə pə kancaalaya. Antulinya na ı taa nyəm ηman kancaalaya, na yəlaa ηman kancaalaya, na İso yəlaa İseyeli nyəma kancaalaya. Pə waalı ıle, ıənaya tu pəsi na tə cekəna antulinya wei ı taa tə we ıəntə tə, na yulu lonte nté leye antulinya taa? Pepe tōo ké antulinya yəlaa fei təma na leleη? Yəlaa ká pəsi na pá taγanı antulinya? Pə waalı ké İso taγana ıəna pu ya antulinya yəlaa nyəη tə, na í yaa İseyeli nyəma caa Apələham. İnu ı suna İso piitim na İso seetu kite.

İsəna pa faya Kancaalaya takolaya tə:

Antulinya na kancaalaya yəlaa ηman titite 1-2

Kancaalaya yəlaa kpeenav na Kayini na Apeeli pa təm titite 3-5

Lum waasuyv ke Nowee waatu titite 6-10

Parpeeli kutuluyu səsəv ηman titite 11

İso yaawa İseyeli nyəma caa Apələham titite 12:1-25:18

Apələham pəyalv İsaaka na ı saalı Yakərv pa təm titite 25:19-37:1

Yosəefv təm na Yakərv na ı nyəma ke İcipiti titite 37:2-50:26

PƏ TƏNA PƏ KANCAALAYA

İso lapv ke antulinya na yəlaa

¹ Waatu wei İso caala ıətənuyv na tetv ke lapv təcəci tə.

² Tetv nti tu we kpete ké tə fei tapuyv tə fei nəγə, na tenku lumanη nyəη waasa pə tōo na səkrətyv

nyalaa, na pé kaasí na Isò heelim náá makí lóm tǎo. ³ Ntɛna Isò tó sí: Pé naaki, ɔlena pé sɔv nav. ⁴ Isò lanje heena pə naakuyɔ mpv tǎ, ɔlena í faya-wi na səkpetuyɔ. ⁵ Mpuɔyle Isò ha pə naakuyɔ mpv tǎyɔ hətɛ si ilim taa, na í ha səkpetuyɔ si ahoo. Pə kpaɣa tanaŋ na pé suna taanaya, na pé kpaɣa ahoo na pé nyaali tǎ, pə kpenta kuyaku kancaalaya nyəŋku.

⁶ ɔlena Isò tó sí: Patəma í wɛɛ ɛsɔtaa, ɔlena pé faya ɛsɔtɔnyɔv taa lóm na atɛ nyəm. ⁷ ɔlena pé lá mpv. ⁸ Ntɛna í ha patəma inəyi hətɛ si ɛsɔtɔnyɔv. Pə kpaɣa tanaŋ na pé suna taanaya, na pé kpaɣa ahoo na pé nyaali tǎ, pə kpenta kuyaku naale nyəŋku.

⁹ Mpuɔyú Isò tǎma sí: Atɛ lóm í kpenti lona payale taa na pé yele puɣulaya tetv. ɔlena pé lá mpv. ¹⁰ Kelena Isò ha-təyi hətɛ si tetv, na í yaa lómnaa mpe si tenkuna, na i lanje heɛ. ¹¹ Ntɛna Isò tó sí: Tetv í luləsi kunyɔnyəm mpi pə wɛ tǎlekuleku tǎyɔ waani waani ɛsu tunj na nyutu na pé luləyi pə pee na á wɛ nyɔv. ɔlena pé lá mpv. ¹² Mpuɔyú tetv luləsa-wəyi waani waani, na Isò lanje heɛ. ¹³ Pə kpaɣa tanaŋ na pé suna taanaya, na pé kpaɣa ahoo na pé nyaali tǎ, pə kpenta kuyaku tooso nyəŋku.

¹⁴ Mpuɔyle Isò tǎma sí: Kəkəsi í wɛɛ ɛsɔtaa na sí faya ilim na ahoo, na kuyɛɛŋ na pusi na lunje na yoluma, ¹⁵ na sí naaki tetv, ɔlena pé lá mpv. ¹⁶ Kəkəsi səsənsi naaleɣɛ i lapa, na kukəlaya tóki kawulaya ke ilim na naale nyəŋka ke ahoo. Na í la ɛsɔtulŋasí tǎtǎ. ¹⁷ Mpuɔyú Isò tó sí tənaya ɛsɔtaa na sí naaki tetv tǎo, ¹⁸ na sí tǎki kawulaya ke ilim na ahoo, na sí faya ilim na səkpetuyɔ. ¹⁹ Pə kpaɣa tanaŋ na pé suna taanaya, na pé kpaɣa ahoo na pé nyaali tǎ, pə kpenta kuyaku liyiti nyəŋku.

20 M'p'og'og' Is' t'oma si: Weesuyu ny'am i su lumnaa taa na sumasi na'aa kul'og'i is'otaa. 21 U'ena Is' la lum taa t'og'ol'og' na p'e taa weesuyu ny'amnaa ke waani waani, na sumasi t'ena, na i lan'le hee, 22 na i kooli-t'og'i kupantu na i t'o si: U'lu' na i huki na i su ten'kuna, na sumasi na'aa huki tetu t'oo. 23 P'e kra'ga tana' na p'e suna taana'ga, na p'e kra'ga aho'o na p'e nyaali t'o, p'e k'penta kuyaku kak'pasi ny'og'ku.

24 M'p'og'og' Is' t'oma si: Tetu i lul'esi weesuyu ny'am t'ana'ga waani waani isu t'ola na taale wontu na ate ny'amanyamaana t'ena, u'ena p'e la m'pu. 25 Wontunaa m'pe pa t'ana'ga i lapa, paa t'ola paa taale wontu paa ate ny'amanyamaana, na i lan'le hee. 26 M'p'og'og' Is' t'oma si: T'e hm'a yulu na i wee isu ta tet'en'elen' na i t'og'o kawul'aga ke wontu t'ena t'oo, paa tiina paa sumasi paa nti. 27 K'elena i hm'a yulu isu i mayama'ga i wee t'o. Apalu na alu ke i hm'a-we isu i we'u t'o 28 na i kooli-we'ge kupantu. U'ena i heeli-we si: U'lu' na i huki na i su tetu na i p'esi-ti na i t'og'o kawul'aga ke tiina na sumasi na ate wontu t'ena t'oo na i paas'ana-ti. 29 M'e t'og'on'aga n'te kony'ony'am na tu' t'ena pee. 30 Wontu na sumasi na weesuyu ny'am t'ena t'og'on'aga n'te nyutu kul'ek'alek'atu t'ena. U'ena p'e la m'pu. 31 M'pu'g'ule Is' ny'ana na i lan'le hee s'os'om. P'e kra'ga tana' na p'e suna taana'ga, na p'e kra'ga aho'o na p'e nyaali t'o, p'e k'penta kuyaku naatoso ny'og'ku.

2

1 Is'ena Is' lapa is'otaa na ate na p'e taa weesuyu ny'amnaa t'ena t'og'ole. 2 Kuyaku naatoso ny'og'ku wule ke Is' teesa i t'oma, u'ena i heesi naatosomp'og'ol'aga ny'og'ku wule. 3 P'e t'oo ke Is' koola-k'og'u kupantu na

í fayası-ku na ku mpaá sí ku ké ı nyəŋku. ⁴ Isəna Isə lapa isətənyu na atə təyəle.

Isə tuŋ taale

Waatu wei Tacaa Isə lapa atə na isətənyu tə, ⁵ nyutu taa tiika nakəli ka taa fei tetu tə, pəcə nyiilaya nakəli ka taa nyəki. Mpi tə, Tacaa Isə taa yeləta sí təu í nu. Pəyele yulu nəyəlu ı taa fei sí í hala tetu. ⁶ Ama nikaya kpaakayana na pə niyitiyi tetu təna.

⁷ Mpróyú Tacaa Isə kpaaya tetu na í lá yulu, ılena í woso yulu muna tēē ké weesuyu heelim. Tənyale yulu su feesuyu. ⁸ ılena í lá tuŋ taale ke İteni taa ké ilim təlule tə, na í su yulu ınəyi tə taa. ⁹ Ntəna Tacaa Isə ye le na tuŋ kupaŋ nyə İteni taa tənaya waanı waanı na ı pee təyəu na leleŋ. Na təy u ŋku ku pee haaki weesuyu tə, na kupaŋtu na isayatu pə cəkənav nyəŋku ka səŋa heku taa.

¹⁰ Na pəyə nakəli ke le ká faya İteni taa na ká niyitiyi tuŋ taale na ká hela pusi liyiti ke İteni waalı. ¹¹⁻¹² Kancaalaya nyəŋka həte nté Pisəŋ, ke le ka cəna Hafila tetu nti tə taa wola kupaŋ na tulaalu kupaŋ na liyitee pəle kəkpeətəle pə wee tə. ¹³ Pəyə naale nyəŋka həte nté Kihəŋ na ke le ka cəna Kusi tetu təna. ¹⁴ Na tooso nyəŋka həte nté Tikili, ke le ka kpeŋna na ilim təlule tə ké Asilii tetu taa. Pəyə liyiti nyəŋka həte nté İfəlati.

¹⁵ Mpróyú Tacaa Isə su yulu ke İteni taale ńtə tə taa sí í hala na í paasəyəna-té. ¹⁶ Ke lena í tó yulu sí: N pəsəyi na ń təyə taale tuŋ təna pee. ¹⁷ Ama kupaŋtu na isayatu pə cəkənav təy u pee paasi ké n kaa təy. Pəpətu fei leleŋ, kupaŋku ń təyə-yē ısu n səpa.

¹⁸⁻²⁰ Tetu ke Tacaa Isə ka lapa taale wontu təna, na suması təna, na í lá na tə polo yulu kiŋ sí í nyi

həla nna ɪ ká ha-tɪ tɔ, na anəɣɪ pa yaaki-tɪ. Ḿpúgú yulɔ hawa tɔla tənaya həla, na taale wontu na sumasi təna. Ama ɪ ta hiki sənɔ wei ɪ mɔna-ɪ tɔ. Ḿpúgú ɪ tɔma si: Pə feɪ si yulɔ í caɣa ɪ tike ke mpv. ²¹ Ilena Tacaalə Isə lá na tom kra yulɔ na í too isu í səpa, na í ləsi ɪ səntaaya lɛŋka na í waasi nantv ke ka lonte. ²² Ntəna í məŋna səntaaya ŋka ɪ ka ləsa apalv taa tɔ na í ŋmana alv na í cɛla-ɪ. ²³ Tənayaɛ yulɔ tɔma si: Aŋhaa, má na inɛ tə kaana nantv na mɔwa.

Mpi tɔ, ma taa ké pa ləsa-ɪ, ílé ɪ həte nté alv.

²⁴ Pə tɔɔ ké apalv ka yeɛ ɪ caa na ɪ too na í na ɪ alv pá caɣa na pá pəsi yulɔ kɔlɔm.

²⁵ Yulɔ na ɪ alv pa tənaya kpɛla ke pa naaleɣe, pəcɔ́ feɛɛ natəli tə feɪ-wɛ.

3

Isə təɣənyv ke Atam na ɪ alv

¹ Taale wontu nti tə təna Tacaalə Isə lapa mpv tɔ, tum kələna tə tənaya acilayatu. Mpuɣule kuyaku nakəli tum pɔɔsa alv si: Iɛ tampana Isə yəɣətəa si í taa təɣə taale tuŋ təna pee yaa?

² Kɛɛna alv náá cɔ si: Aai, tə tóki haləm tuŋ təna pee ké. ³ Ama pə kaasuyv tuyv ŋku ku wɛ haləm hɛku taa tɔ ku pee tɔ, Isə tɔma si: ɪ taa təŋ-yɛ, pəcɔ́ í taa tokina-yéyé tokinav mayamaya, pə taa kɔɔ na í sí.

⁴ Mpuɣule tum nəɣə təkpaɔ si: ɪ səki se. ⁵ Ama Isə nyámá si kuyaku ŋku í təŋa-yɛ, mə isɛ kuliyi ké isu inɪ ɪ wɛv tɔ, na í nyámá kɔpantv na isayatu.

⁶ Alv nawa si tuyv ŋku ku nyənyv wɛ teu, pəcɔ́ ku pee wɛ isɛsɛɛmlɛ na a kuliyi yəlaa isɛ. Ntəna í kooli-kú na í təɣə, na í kaasi na í cɛla ɪ paalv na ílé í təɣə tətɔ.

⁷ Tənayaɛ pə kula pa naaleɣe mpv pa isɛ na pá cəkəna

si pa we tapakpela. Uena pá caa hatu kowalətu natəli na pá təyoli.

⁸ Pə keesa taanaya ile Iso Tacaa pola i taale təw kə cəw nte na pá nu i nəy. Uena yulu na i alv pá sé na pá ηmeli taale tuη heku taa. ⁹ Ama Iso Tacaa yáá yulu si: Leye n wena ye?

¹⁰ Mpyó i cəwa si: Ma nu nyá nəy ke taale taa uena səyontu kra-m na má sé na má ηmeli. Mpi tə, ma we tapakpete. ¹¹ Tənaγale Iso Tacaa nəy təkpaυ si: Awe heelina-η si n we kpete? N təy təy ηku inu maa kisina-η təy?

¹² Kelena yulu si: Ma təyaa yáá, ile alv wei inu n ha-m tə inu i celəna-m na má təy.

¹³ Ntəna Iso Tacaa pəəsi alv si: Pepe təw kə nyá lapa mpυ? Alv nəy təkpaυ si: Tum tusəna-m na má təy.

¹⁴ Mpyó Tacaa təma tum si:
Timpi n lapa mpυ tə, pu kpatu nyá yule təw kə kraakpaale na pə kəli wontu təna, nyá lotu təw kə n ká tuuki nənəw na n tóki tətυ, haləna nyá səm.

¹⁵ Maa tó patule ke nyá na alv mə heku, na nyá ləlyə nyéma na i ləlyə nyéma pa heku, paa nanu nyá nyuyə na nyáá ló pele pa nəkikite.

¹⁶ Uena Iso tó alv si:
Maa səəsi-η wəsasi ke nyá ahontotu waatu, na nsəyi n ká lələna, na n ká nyuləyi nyá paalv kə teu. Ama ilé i ká la nyá səw.

¹⁷ Uena í pəsəna apalv təw si: Timpi n nuna nyá alv na n təy təy ηku maa kisina-η tə. Ma tənsəyi tətυ ke mpusi kə nyá maγamaγa nyá təw. Wahala na wahala kə na pécó n hiki nyá təyənaya haləna nyá səm.

18 Nyutu isayatu ke n ká hala na pécó n hiki nyá hatəmutu.

19 Ye hanaya ta sə-η, n kaa hiki icavte na n muli.

Haləna kuyaku ηku paa pi-η tetu nti paa ηmana-η tə tə taa tə.

Mpi tə, n ké tetu ké, pécó n ká tayani kulomtu ntəyi pəsvy tətə.

20 Mpyule Atam ha ɪ alv si Ifa. Mpi tə, inəgəle yəlaa tənə too. 21 Uena Iso Tacaa ku wontu natəli na í liti-ti na í təgəli Atam na ɪ alv. 22 Tənyaga Iso Tacaa yəgətəa si: Nəənəə yulu pəsa ɪsu tá taa nəgəlvyle kəpantu na isayatu pə nyəm təm taa. Pə tə tə, tə taa yele na í təgə weesuyu təgə pəle na í weena weesuyu ke tam tə. 23 Uena Iso təgəni-ɪ lteni taale taa si í svu haləm ke tetu nti pa ηmana-ɪ tə. 24 Mpy pə lapəna na í təgəni Atam na í su ɪsətəa tanlaa na pá tan taale mpaav na pá ηmeləsəgi pa laɣale na á mvyv kəkəsɪ ke ηmeləv ηmeləv si nəgəlv í taa kəpətəna weesuyu təgə.

4

Kayini na Apeeli pa təm

1 Mpyú Atam nyəmá ɪ alv Ifa na ílé í lá teu na í lvi Kayini. Uena í tó si: Ma hika apalvəyaga na Tacaa toη. 2 Pəle pə waali ké ɪ lula ɪ neu Apeeli.

Apeeli ka ké tiikilu na Kayini ke hátú. 3 Mpyú kuyaku nakvli taalv ləsa ɪ hatəmutu taa na í lá Tacaa ke kətəga. 4 Uena neu náá kpa ɪ heen taa ké kancaalaya kuloləη nim nyəη na í lá kətəga tətə. Uena Tacaa nyəni Apeeli kətəga na pə keesəna-ɪ. 5 Ama ɪ kisa Kayini nyəηka. Tənyale pə hanə-ɪ teu ɪsu nəhəle taa kəkə, na ɪ ɪsentəa səη. 6 Uena Tacaa pəəsɪ-ɪ si: Pepe tə ké nyá ɪsentəa səηaa? 7 Ye kəpantu ke n laki, nyá ɪsentəa í hetɪ. Ama ye isayatu ke n laki, kulomtu nti tə

paṛəna nteye nyá nənəyɔ tɛɛ ɪsu tɔyɔlvɔvɔ na tɔ taŋa-ŋ, na tɔ caa-ŋ kəlvɔvɔ. Ama pəsi-ti na ń kəli-ti.

⁸ Tənaɣa Kayini təma ɪ neu si: Tɔ kpa taale, ɪlena Kayini kuli ɪ tɔɔ kɛ təna na ɪ kv-ɪ.

⁹ Mpuɣule Tacaɔ pɔɔsa Kayini si: Nyá neu Apɛɛli wele? ɪlena ɪ cɔ si: Ma nyəmə timpi ɪ wɛɛ tɔ? Ma kɛ ma neu taŋlv na?

¹⁰ ɪlena Tacaɔ pɔɔsi-ɪ si: Pepe lapa mpv? Ma nawa nyá neu caləm kɛ atɛ, na pə wɛɛ si má lɛɛti-ŋ.

¹¹ Nəənəɔ tɛtv ká tɛŋsi-ŋ mpusi kɛ timpi n yelaa na tɔ haa nəyɔ na tɔ li nyá neu caləm kɛ nyá niŋ taa tɔ.

¹² Paa n ká hala-tɔyɪ ɪsəna, n kaa waa pvlv. N ká la yem cɔlv, n kaa wɛɛna tɔyaya.

¹³ Mpuɣule Kayini cəwa Tacaɔ si: Ma saləka kələm. ¹⁴ Nyəni, saŋa ń tɔyɔnəyɪ-m tɛtv kupaŋtv tənɛ tɔ taa kɛɛ, ma kaa tasa nyá ɪsəpələ taa kɛ loosuyɔ. Maa pəsi yem cɔlv, ma kaa wɛɛna tɔyaya, na wei ɪ hika-m ɪ kv-m.

¹⁵ Tənaɣale Tacaɔ nəyɔ təkpaŋ si: Aai, ye wei ɪ kvwa Kayini, ɪsu ma fela puvtv kɛ pə təm naatosompɔyɔlaya.

ɪlena Tacaɔ yvsi Kayini si ye wei ɪ na-ɪ ɪ taa kv-ɪ.

¹⁶ Ntɛna ɪ se Tacaɔ na ɪ polo ɪ caya timpi pa yaa si Yemcɔlaate tɔyɔ ɪteni ilim təlule tɔɔ.

Kayini lɔlvɔvɔ nyəma

¹⁷ Mpuɣyó Kayini nyəmə ɪ alv na ɪ lá teu na ɪ lvi Henəki. ɪlena ɪ ŋmə ɪcate na ɪ ha-tɛyɛ ɪ pəyalv hətɛ.

¹⁸ Mpuɣyó Henəki lula ɪlaati na ɪlaati lvi Mehuyayɛɛli na Mehuyayɛɛli lvi Metusayɛɛli, ɪlena Metusayɛɛli lvi Leməki.

¹⁹ Alaa naale kɛ Leməki kpaɣaa, kancaalaya nyəŋ hətɛ nté Ata, naale nyəŋ si Sila. ²⁰ Mpuɣyó Ata lula

Yupaali. Yupaali inɪ ílé ɪ piitim nté mpa pa tiikiyi kaləkəŋ na pá sɔvki coka taa tɔ. ²¹ Ílé ɪ neu hətɛ nté Yupaali. Yupaali inɪ ɪ piitim nté mpa pa makɪ saŋkɔnaa na pá hɔləŋi həsɪ tɔ. ²² Sila ílé ɪ lɔləna nteŋɛ Tupaaɪ-Kayini, wei ɪ luki nyəŋəɔlɔŋv kɔsɛɛmɔŋv na nyəŋəɔlɔŋv maŋamaŋa wontu tɔ. ɪ neu kɛ pa yaakaya si Naama.

²³ Mpróyó Lemeki tɔma ɪ alaa Ata na Sila si:

Ma alaa mɛ, í nu ma tɔm yoo.

Mə taa lelv paalɔ cətəla-m ké na má kv-ɪ.

²⁴ Tɔm naatosompɔŋɔlaya kɛ paa lɛɛti Kayini kɔlv.

Ílena pá lɛɛti ma kɔlv kɛ tɔm nutoso na naanɔwa na naatosompɔŋɔlaya.

²⁵ Atam pa tasa apalɔpɔyaya kɛ lɔlvɔv ílena Ifa ha-keŋɛ hətɛ si Sɛɛti, si Tacaɛ ha inəŋi apalɔpɔyaya lɛŋka kɛ Apɛɛli wei Kayini kɔwa tɔ ɪ lonte.

²⁶ Sɛɛti ná lapa yɔlv na í lɔli apalɔpɔyaya na í ha-ke si Inəɔsi. Waatv inəŋi yəlaa caala Isə ké sɛɛv si Tacaɛ.

5

Atam lɔlvɔv nyəma

¹ Atam lɔlvɔv nyəma həla ntɔ cənɛ. Waatv wei Isə ŋmá yɔlv tɔ, ɪ ŋma-ɪ ké ɪsu ɪ weɛ tɔ. ² Apalɔ na alɔ kɛ ɪ ŋmawa na í ha-we si yəlaa na í kooli-weŋɛ kɔpantv.

³ Atam pusi lapa nunɔwa na hiu na naanɔwa (130) ké ílena í lɔli pɔyaya na ká kpaŋa-ɪ tətɛŋɛlɛŋ na í ha-keŋɛ hətɛ si Sɛɛti. ⁴ Sɛɛti lɔlvɔv waali Atam tɔŋɔ pusi nasənaasa (800) na si taa ké ɪ tasa apalɔpiya na alɔpiya kɛ lɔlvɔv. ⁵ Atam pusi təna yoosa nasənaasa na nunɔwa na hiu na naanɔwa (930) ílena í sí.

⁶ Sɛɛti pusi lapa nunɔwa na kakpasɪ (105) ílena í lɔli Inəɔsi. ⁷ Inəɔsi lɔlvɔv waali Sɛɛti tɔŋɔ pusi

nasənaasa na naatosompəyɔlaya (807) na si taa ké ɪ tasa apalɔpiya na alɔpiya ke lɔlɔyɔ. ⁸ Sɛɛti pusi təna yoosa nasənaasa na nunɔwa na naanɔwa na naale (912) ɪɛna ɪ sí.

⁹ Inɔɔsi pusi lapa nunaasa na naanɔwa ɪɛna ɪ lɔli Kenəŋ. ¹⁰ Kenəŋ lɔlɔyɔ waali Inɔɔsi tɔyɔ pusi nasənaasa na naanɔwa na kakpasɪ (815) na si taa ké ɪ tasa apalɔpiya na alɔpiya ke lɔlɔyɔ. ¹¹ Inɔɔsi pusi təna yoosa nasənaasa na nunɔwa na kakpasɪ (905) ɪɛna ɪ sí.

¹² Kenəŋ pusi lapa nutoso na naanɔwa ɪɛna ɪ lɔli Malalɛli. ¹³ Malalɛli lɔlɔyɔ waali ɪ tɔyɔ pusi nasənaasa na nule (840), na si taa ké ɪ tasa apalɔpiya na alɔpiya ke lɔlɔyɔ. ¹⁴ Kenəŋ pusi təna yoosa nasənaasa na nunɔwa na naanɔwa (910) ɪɛna ɪ sí.

¹⁵ Malalɛli pusi lapa nutoso na kakpasɪ ɪɛna ɪ lɔli Yɛɛti. ¹⁶ Yɛɛti lɔlɔyɔ waali Malalɛli tɔyɔ pusi nasənaasa na hiu na naanɔwa (830), na si taa ké ɪ tasa apalɔpiya na alɔpiya ke lɔlɔyɔ. ¹⁷ Malalɛli pusi təna yoosa nasənaasa na nunaasa na naanɔwa na kakpasɪ (895) ɪɛna ɪ sí.

¹⁸ Yɛɛti pusi lapa nunɔwa na nutoso na naale (162) ɪɛna ɪ lɔli Henəkɪ. ¹⁹ Henəkɪ lɔlɔyɔ waali ɪ tɔyɔ pusi nasənaasa (800), na si taa ké ɪ tasa apalɔpiya na alɔpiya ke lɔlɔyɔ. ²⁰ Yɛɛti pusi təna yoosa nasənaasa na nunɔwa na nutoso na naale (962) ɪɛna ɪ sí.

²¹ Henəkɪ pusi lapa nutoso na kakpasɪ ɪɛna ɪ lɔli Metusalem. ²² Metusalem lɔlɔyɔ waali ɪ tɔyɔ pusi ŋmɔnɔyɔ na nunɔwa (300), na si taa ké ɪ təŋa Iso ké teu na ɪlé ɪ wɛ ɪ waali, na ɪ tasa apalɔpiya na alɔpiya ke lɔlɔyɔ. ²³ ɪ pusi təna yoosa ŋmɔnɔyɔ na nunɔwa na nutoso na kakpasɪ (365). ²⁴ Henəkɪ ka təŋa Iso ké

teu ké na Iso we i waali. Pə kəma na pə keesi lena Iso kpaɣa-i na i use, nəɣəlv ta tasa-i nav.

²⁵ Metusalem pusi lapa nunowa na nunaasa na naatosompəɣəlaya (187) lena í lɔli Lemeki.

²⁶ Lemeki lɔlvɣu waali i tɔɣə pusi nasətosona nunowa na nunaasa na naale (782), na si taa ké i lɔla apalɔpiya na alɔpiya. ²⁷ Metusalem pusi təna yoosa nasənaasa na nunowa na pəɣəlayafei nutoso na naanowa (969) lena í sí.

²⁸ Lemeki pusi lapa nunowa na nunaasa na naale (182) lena í lɔli apalɔpəɣaya ²⁹ na í ha-ke si Nowee. Mpi tə, i təmaɣa si inɛ inɛ i ká heesəna tá laɣa ke ta ikaalenaa na tá wahala təma taa ké tetv nti inɛ Taca təɣsa mpusi ké tá tə tə taa cənɛ. ³⁰ Nowee lɔlvɣu waali i tɔɣə pusi nasəle na nunowa na nunaasa na naanowa na kakpasɪ (595) na si taa ké i lɔla apalɔpiya na alɔpiya. ³¹ Lemeki pusi təna yoosa nasətosona nunowa na nutoso na naanowa na naatosompəɣəlaya (777) lena í sí.

³² Nowee pusi lapa nasəle na nunowa (500) lena í lɔli Sem na Kam na Yefete.

6

Yulv isayav

¹ Yəlaa kəma na pá huki tetv təə na pá lɔli pɛelaa.

² Ḿpúyú isətaa yəlaa nawa si pɛelaa mpe pa tewa, lena pá kpaɣa pa taa mpa pa səlaa tɔɣə alaa. ³ Ntəna í tó si: Ma feesuyv kaa caya yulv taa ké tam. Mpi tə, i ké yulv ké. Pə təə tə pə kpaɣav pənente tə i weesuyv təna tayaləɣ nte pusi nunowa na hiu (120). ⁴ Waatu wei pa lɔla pa piya mpe tə pa lapa tookonaa ké na pá kəə na pá tasa tookonaa mpeɣe lɔlvɣu, na mpe pa lapəna ləɣtaa akanaa na pa hətɛ yaa. ⁵ Ḿpúyú

Tacaa nawa si yɛlaa isayatu telɛsa mpɔle ke tetu taa, na isayalɛmayasɔle tike ke pa wɛna paɔ ifemle nte.

⁶ Mɔrɔyɔ Tacaa lanle wakɛlaa na pɔ wɛɛɛ sɔsɔm ke mpi pɔ tɔɔ i ηmá yulu tɔ. ⁷ Ntɛna í tɔ si: Isu ma kpiisa yɛlaa mpa ma ηmawa tɔyɔ tetu tɛna tɔɔ, pɔ kraɣav yulu na pɔ polo tɔtɛ tɔ, na sumasi, na ate nyamanyamanaa tɛna tɔ. Ma lanle wakɛlɛna pa ηmav kɛ. ⁸ Ama Nowee tike ke Tacaa lanle hɛɛnaa.

Nowee waasvuy

⁹⁻¹⁰ Nowee na i nyɛma pa tɔm ntɔ. Nowee ka wɛna piya tooso kɛ, Sem, na Kam, na Yɛfɛtɛ. I ka kɛ kɔpaŋ kɛ na í siyisaa na í tɔŋɔyɛ Isɔ kɛ teu ke i waatu taa na Isɔ wɛ i waali.

¹¹ Yɛlaa ka wakɛlaa kɛ, na pá laki tɛmaya musɔŋ ke Isɔ isɛntaa. ¹² Isɔ nyɛna tetu ilɛna í ná si yɛlaa tɛna wakɛlaa kɛ. ¹³ Mɔrɔyɛ Tacaa heela Nowee si: Ma tɔ ma taa si maa wakɛli yɛlaa tɛna, mpe pa suulina isayatu ke antulinya taa. Pɔ tɔɔ tɔ maa kpiisi pa tɛnaya tetu tɔɔ. ¹⁴ Caa tɔyɔ kɔpaŋku nakuli na n saaki nyá tɔyɛ atakaa pɔyɔlvuy sɔsɔv^a na n tala ku taa kɛ nanɔsi nanɔsi, na n taa-kuyɔ tɔyɔ cɛlɛm ke ku taa na ku waali. ¹⁵ Isɛna n ká la-ku tɔyɔlvɔ, ku taɣalɛŋ ká wɛɛ mɛɛtɛlɛnaa nuɛvwa na nuɛle na naanvwa (150) na ku wan ke mɛɛtɛlɛnaa hiu na kakpasɛ na ku kɔŋkɔlvumɛŋ ke mɛɛtɛlɛnaa naanvwa na kakpasɛ. ¹⁶ Na n tɔli-kuyɔ pɔtote ke mpiiŋ naale ke lɔpɔtv luyɔ tɛɛ na nɔnɔyɔ ke ku kɔŋkɔŋ taa. Na n la-kuyɔ ate na isɔ kutulɔŋ ke tooso. ¹⁷ Ilɛna maa yele na lvm sɔsɔm watɛ tetu tɔɔ, na má kɔ pɔ tɛna mpi pɔ feesiɣi tɔ. Tetu tɔɔ nyɛm tɛna ká sɛna. ¹⁸ Ama má na nyá tu pɛɛli nɔyɔ

^a **6:14** atakaa pɔyɔlvuy sɔsɔv: Tɔ ta caa si tɔ telɛsi si kpulvuy mpi tɔ, pɔ taɣa Nowee caa si í na i samaa pá svv na pá tɛsi lvm.

si maa waasi-ŋ. Na nyana nyá alv na nyá pəyalaa na nyá poolaa í ká sɔv kv taa. ¹⁹⁻²⁰ Na ń ləsi wontu təna taa ké apalv na alv, na sumasi taa ké mpv na atɛ nyamanyamanaa taa ké mpv tətə, na tɛ sɔv nyá kin ke atakaa pəɣəlɔv taa na pə ya tə piitim. ²¹ Kpaɣa təɣnasɪ nsi nsi mə na wontunaa mpe í ká təkɪ tɔ. ²² Mpɔv ɪnəɣɪ Nowee təŋaa na í lá pə təna mpi Isɔ tɔ-tɔ.

7

Nowee sɔv atakaa pəɣəlɔv taa

¹ M'pɔyú Tacaa tɔma Nowee si: Nyana nyá təɣaɣa təna í sɔv atakaa pəɣəlɔv taa. Mpi tɔ, nyá tike ke ma nawa wei ɪ nukəna-m təɣə yəlaa panɛ pa hɛkv. ² Ləsi wontu nti pa pəsəɣɪ pá lá kətaya təɣə apalv na alv ké təm naatosompəɣələɣa. ɪlena ń ləsi nti tə fɛɪ kətaya lapənav təɣə apalv na alv tike. ³ Na ń ləsi sumasi taa ké apalv na alv ké təm naatosompəɣələɣa, na ń waasi si piitim na si taa tɛ tɛtv tɔ. ⁴ Pə taya pɔlv tɔ, pə kaasa wɛɛ naatosompəɣələɣa ké na má yele na tɛv nu ilim na ahoo ke kɔvɛɛŋ nɪlɛ tɛcu, na lɔm kpiisi yəlaa na wontu təna. ⁵ ɪlena Nowee la pə təna ɪsu Tacaa heela-ɪ tɔ.

Lɔm səsəəm watɔv

⁶ Pənaɣa ŋka lɔm waasa tɛtv tɔ Nowee wɛna ɪsu pusi nasətoso (600). ⁷ ɪlena í na ɪ alv na ɪ pəyalaa na ɪ poolaa pá sɔv atakaa pəɣəlɔv taa na pá fiti lɔm kówáásəm mpi. ⁸ M'pɔyú wontu nti pa pəsəɣɪ pá lá kətaya tɔ na nti tə fɛɪ kətaya lapənav tɔ na sumasi na atɛ nyamanyamanaa təna ⁹ sɔv atakaa pəɣəlɔv taa ké apalv na alv ɪsu Tacaa ka heeluyɔ Nowee tɔ.

10 Kuyeeη naatosompɔɔlaya tɛɛwa ilena lum watu tetu tɛna.

11-12 Nowee lɔlvɔv pɛnaya nasɛtosɔ nyɛŋka isɔtv naale nyɛη kuyeeη naanɔwa na naatosompɔɔlaya nyɛŋku wule ke tɛv anaam nɔɔlv ɪ pɛla ilim na ahoɔ, halɛna kuyeeη nule tɛcu. Pɛ caya kɛ isu isɔtvɔvɔv yawa na atɛ seelaa nɔ́a tvli isu pɔɔη sɔsɔη. 13 Kuyaku ŋku kv mayamaya ke Nowee na ɪ alv na ɪ pɔyalaa Sem na Kam na Yɛfɛtɛ na ɪ poolaa tooso pa svv atakaa pɔɔlvɔv. 14 Pá na wontu tɛnaya piitim piitim. Pɛ krayav tɔla, na taale wontu, na sumasi, na atɛ nyamanyamanaa tɛna. 15-16 Ḿpɔ́yɔ wontu tɛna súb atakaa pɔɔlvɔv taa kɛ apalv na alv isu lɔv ka heeluyv Nowee tɔ. Ilena Tacaa tɛki pa tɔɔ.

17 Kuyeeη nule tɛcu kɛ tɛv nuwa, ilena lum kra na pɛ kelɪ atakaa pɔɔlvɔv, na pɛ kraasi-kvɔv isɔtaa.

18 Lum tɔɔwa sɔsɔm na pɛ sú tetu tɔɔ na atakaa pɔɔlvɔv nɔ́a wɛ pɛ tɔɔ tɔhvŋlɛɛ. 19 Pɛ tɔŋna suyv na pɛ puki halɛna pɛ waasi pɔɔη sɔsɔη unɪ ɪ tɛna ke antulinya tɛna taa. 20 Lum kpawa na pɛ tɛɛ pɔɔη ke kvŋkulɔmɔŋ ke mɛɛtɛlɛnaa kakpasi. 21-22 Antulinya taa weesuyv nyɛm tɛna sɛpɛna, pɛ krayav yɛlaa na wontunaa tɔ. 23 Ḿpɔ́yɔ Tacaa kpiisa weesuyv nyɛm tɛnaya tetu tɔɔ. Nowee na ɪ nyɛma mpa paa wɛ atakaa pɔɔlvɔv taa tɔ pa tike ke pɛ yelaa.

Lum kɔ́wáásɛm nyɛɔv

24 Ḿpɔ́yɔ lum suwa tetu tɔɔ kɛ kuyeeη nunɔwa na nule na naanɔwa (150) tɛcu.

8

1 lɔv tá sɔɔ Nowee na wontunaa mpa paa wɛ ɪ kin ke atakaa pɔɔlvɔv taa tɔ pa tɔɔ. Ilena ɪ ye

na sumasi na ate nyamanyamanaa tēna tō, tó lūli na tó huki na tó yá tetu tō. ¹⁸⁻¹⁹ Ulena Nowee-we na wontu tēna pá lu atakaa pəɣəlvu taa.

²⁰ M'p'óg'ú Nowee ŋmá Tacaa ke kətaya tətate, ulena í ləsi wontu tēna nti tə muna kətaya lapu tə na sumasi nsi si muna kətaya lapu tə si tēna si taa ké kulbm kulbm isu tə piitimnaa wee tə na í lá Tacaa ke kətaya ŋka kəkə lusa ka tēna tō. ²¹ Tacaa nu kətaya ŋke ka səsəŋ na ɪ laŋle hēe na í tó si: Ma kaa tasa tetu ke mpusi təŋsuyu ke yulv isayatu tō isu maa lapu tə, na ma kaa tasa weesuyu nyəm tənaya wakəlvu. Mpi tō, yulv ləmayasəle ké isayale ke hatoo ɪ həəv tēe ké.

²² Tuutu na kumtu, watu na haŋaya, lūŋle na yoluma, ilim na ahoo pə kaa yele lapu haləna antulinya polo na í kulv.

9

Nowee na Iso pa nəɣə pɛlvu

¹ M'p'óg'ú Iso koola Nowee na ɪ piya ke kupantu si: ɪ lūli na í huki na í sú tetu. ² Ma tó mə niŋ taa ké wontunaa tənaya, paa ate nyəntu, na sumasi, na tiina, na ate nyamanyamanaa. Pə tō ké wontu nti tu weena mə səɣəntu ke səsəm. ³ ɪ pəsəɣi na í təɣə wontunaa mpe isu í təkuyv kunyənnyəm tō. ⁴ Ama kulbmtu ké si ye ɪ caa kpəntɛ ke təɣəv, í lenti na caləm lu na pəcó. Mpi tō, caləm taa ké weesuyu wee. ⁵ Ye wei í kowa yulv, maa ləeti puntu, paa yulv paa wontuyu.

⁶ Ye nəɣəlv kowa ɪ təɣəntəle, yulv tətə ká kuna puntu.

Mpi tō, Iso ŋmá yulv ké isu ɪ mayamaya ɪ wee tō.

⁷ Mə mu lūli na í huki na í yá tetu tēna taa.

⁸ Μπόγύ Ισά tasa Nowee na ι pəyalaa ke heeluɣu si:
⁹ Μά na-me tu pɛɛli nəɣə na ká wee mpv haləna mə
 lɔlvɣv nyəma ke mə waali. ¹⁰ Na pə kpɛnna wontu
 təna nti tə líi atakaa pəɣɔlvɣv taa tɔ. ¹¹ Ma suki ma
 nəɣə si ma kaa tasa weesuɣu nyəm kpiisuɣu ke tetv
 tɔə na lvm. Pəcɔ lvm kúwáásəm mpi pə kaa tasa
 kəntɛ na pə wakəli tetv. ¹²⁻¹³ Uena Ισά tasa si: Ma
 tɔɣi kaɣalv na í hólóɣí tam tɔə ké nəɣə ŋka má na-me
 na weesuɣu nyəm təna na mə waali lɔlvɣv nyəma
 tə pɛɛlaa tɔ. ¹⁴ Μά kəma na má kpɛyela ŋmɔntv ke
 ɪsɔtaa, kaɣalv ka kaɣa ké, ¹⁵ uena pə tɔəsi-m nəɣə ŋka
 ma su mə na weesuɣu nyəm təna si lvm kúwáásəm
 mpi pə kaa tasa kəntɛ na pə kpiisi weesuɣu nyəm.
¹⁶ Ιsɔtənvɣv taa ké kaɣalv ká kaɣa, na má nyəna-ι uɛ
 pə tɔəsi-m nəɣə ŋka ma su weesuɣu nyəm təna tɔ.
¹⁷ Mpi pə hɔlvəɣi nəɣə ŋka ma su-wi tɔɣəɛ.

Nowee na ι pəyalaa pa təm

¹⁸ Nowee na ι pəyalaa mpa pa lu atakaa pəɣɔlvɣv
 taa tɔɣəɛ Sem na Kam na Yefɛtɛ. Kam ílé í lɔlvəna
 Kanaaŋ. ¹⁹ Nowee piya mpe pa piitim hukina
 antulinya təna.

²⁰ Μπόγύ Nowee nika tetv haləm na í caali lɛsɛŋnaa
 sɔv. ²¹ Uena í nyəə pə sɔlvəm na pə kú-ι na í
 wəɣəsɪ ι wontu na pə yeɛ-ι tapakpɛtɛ ke cokəɛle taa.
²² Mpɔvɔɛ Kanaaŋ caa Kam nawa ι caa tapakpɛtɛ, na
 í nyəni, uena í polo na í tɔɣasɪ ι taalvnaa ke awali.
²³ Ntɛna Sem na Yefɛtɛ pá kpaɣa kpai na pá hɔɣəli-
 ι na pá təna waali waali na pá takɪ pa caa. Uɛ pa ta
 na ι tapakpɛtɛ. Mpi tɔ, waali waali ké pa təmnaa.
²⁴ Nowee sɔlvəm kəma na pə cé ι ɪsɛntəə na í nu nti
 ι pəyalv səkɛɛlu nyəŋ Kam lapa tɔ. ²⁵ Uena í tó si:
 Mpusi í təŋ Kam pəyalv Kanaaŋ

na pə lapɪ-ɪ ɪ taalɔnaa yom təkpara.

²⁶ Ma sama Sem Iso Taca.

Pə la Kanaaŋ ke Sem-we pa yom.

²⁷ Iso í waləsi Yefete təhikile,

na í caya Sem té,

na pə lá Kanaaŋ ke pa yom.

²⁸ Pusi ηmɔnɔvɔ na nunɔwa na nule na naanɔwa (350) ké Nowee tasa tɔɔvɔ ke lɔm waasɔvɔ waali. ²⁹ I pusi tɛna yoosa nasənaasa na nunɔwa na nule na naanɔwa (950) ilena í sí.

10

Nowee pəyalaa lɔlvɔvɔ nyəma

¹ Nowee piya Sem na Kam na Yefete pa lɔla piya mpaɣa lɔm waasɔvɔ waali tɔ pa həla ntɔ.

² Yefete ílé í piya ntɔ. Komεε, na Makəki, na Matayi, na Yafaŋ, na Tupaali, na Meseki, na Tilaa.

³ Komεε ílé í piya nté Asəkənaasi, na Lifa, na Tokaama. ⁴ Yafaŋ piya nté, Iliisa, na Taasi, na Kitim, na Lutanim. ⁵ Mpe inɪ pa hukina tetv nti lɔm cɔɔnaa tɔ tɔ taa isu tɔ naakɔvɔ-we na paa wei na ɪ nsəmle na ɪ lɔlvɔvɔ tɔ.

⁶ Kam ílé í piya nté Kusi, na Misilayim, na Puti na Kanaaŋ. ⁷ Kusi piya nté Sepa, na Hafila, na Sapəta, na Lakəma, na Sapəteka. Lakəma piya nté, Sapa, na Tetaj. ⁸ Kusi lɔlɔna tɔtɔɔ Nimloti, inɪ ɪ caaləna tetvnaa ke tɔɔvɔ. ⁹ Taca sən-ɪ ké na í pəsi yellaa taa yellv. Pə tɔ ké pa tukaya ituule ke waatv inɪ si: Taca í yele na ŋ pəsi yellaa taa yellv isu Nimloti. ¹⁰ Acalεε wena a tɔɔ Nimloti tɔɔ kawulaya tɔɔle Papεeli, na Ilekɪ, na Akatɪ, na Kaləne ke Papiloni tetv taa. ¹¹ Tetv nti tɔ taa ké ɪ luwa na í polo Asilii na í ηmá Ninifi,

na Lehopoti-Hiili, na Kela, ¹² na Lesaη ke Ninifi na Kela ɪcafe səsəəle pa heku.

¹³ Misilayim ná lələna nteye Luti nyóma, na Anem nyóma, na Lehari nyóma, na Nafutu nyóma, ¹⁴ na Patəłosi nyóma, na Kasulu nyóma, na Kafətəə nyóma. Tənaγa Filiisi nyóma ná luwa.

¹⁵ Kanaaη ílé í kancaalaya pəγaya nté Sitəη na naale nyəη nté Heeti, ¹⁶ na ɪ ləlvəy nyóma tətəγəle Yepusi nyóma, na Amolii nyóma, na Kilikasɪ nyóma, ¹⁷ na Hifi nyóma, na Aləki nyóma na Sini nyóma, ¹⁸ na Aləfati nyóma, na Semalii nyóma, na Hamati nyóma. Pə waali ké Kanaaη ləlvəη nyóma ná yawa. ¹⁹ Na pa tetv toosi nté pə kraγav Sitəη ke Keelaa kəηkəη taa na pə polo Sətəm na Kəməə na Atəma na Sepoyim haləna Lesa. ²⁰ Kam inɪ ɪ piya nté, na pə keesəna isu pa ləlvəη na pa nsəma na pa tetv na pa piitimnaa.

²¹ Yefete pa taalv Sem ílé ɪ ləla piya tətə na kolum inəγəle Ipeɛ na ɪ ləlvəη nyóma caa. ²² ɪ piya mpeyele Ilam, na Asuu, na Aləpasati, na Luti, na Alam. ²³ Alam ílé í piya nte, Usi, na Huuli, na Ketee, na Macɪ. ²⁴ Aləpasati ná ləla Sela na ílé ɪ ləli Ipeɛ. ²⁵ Ipeɛ ná ləla piya naaleye, kancaalaya nyəηka hətə nté Peleki, γav ke pa yaa mpv na pa té taa. Mpi tə, waatv inəγɪ antulinya piitimnaa yawa. Ilé í neu hətə nté Yəkətaη. ²⁶ Yəkətaη ná lələna Aləmotati, na Selefɪ, na Hasamafeɪ, na Yela, ²⁷ na Hatolam, na Wusaali, na Tikəla, ²⁸ na Opali, na Apimayeli, na Sapa, ²⁹ na Ofi, na Hafila, na Yorari. Yəkətaη piya nté pa tənaya mpv. ³⁰ Pa təcəγale nté pə kraγav Mesa na pulasɪ həγəlvəy ηku pa yaa sɪ Sefaa tə na ilim təlule təə. ³¹ Sem inɪ ɪ piya nté na pə keesəna pa ləlvəη na pa

nsəma na pa tetv na pa piitimnaa.

³² Nowee piya ləlvə nte na pə keesəna pa ləlvə loosi, na pa piitim na mpe inɪ pa taa ké piitimnaa luwa na pá yá antulinya taa ké lvm waásuyv waali.

11

Papeeli ate na isə kutuluyu anaam ηmav

¹ Waatu inɪ ɪ taa yəlaa təna yəɣətaya nsəmle kuləmtəle. ² Uena pá lu ilim təlule təə na pá tala Papiloni tetəkəle səsəle taa na pá siki təna. ³ Mpuvule pa heela təma si: ɪ kəə na tə loo pilikinaa na tə wə-weyə kəkə. Uena pá lana pilikinaa ke pɛe lonte na pá lana kaaloo ké somtu lonte. ⁴ Na pá tasa yəɣətuyv si: ɪ kəə na tə ηmá ate na isə kutuluyu anaam na kú yoosina isətənyv na tá hətə yaa. Ue tə kaa tasa yav ke yem ké tetv təna taa.

⁵ Mpuvule Taca tiiwa si ɪ naaki ɪcate na ate na isə kutuluyu ηku yəlaa piya ηmawa tə. ⁶ Uena Taca tó si: ɪ nawa, pa təna isəntə pa ké yəlaa kuləmaa ké, na pa kaa nsəmle kuləmtəle. Pa caaluyv isəntə tə pulvpu kaa kaɣati-weyə mpi paa həkə si pa lakɪ tə pə taa. ⁷ Ue maa tii na ma liyiti pa nsəmle na pá taa nukɪ təma kuyəɣətətv. ⁸ Ntəna Taca yasɪ-weyə antulinya təna taa na pá yele pa ɪcate ηmav. ⁹ Mpu pə yelina na pá ha ɪcate nteyɛ hətə si Papeeli. Mpi tə, tənaya Taca liyita yəlaa nsəmle, na í yasɪ-weyə antulinya təna taa.

Sem ləlvəv nyəma

¹⁰ Sem ləlvəv nyəma həla ntə cəne. ɪ ləlvəv pusi nunəwa (100) nyəηka taa, lvm waasuyv waali pənaya naale nyəηka taa ké ɪ lula Aləpasati. ¹¹ Aləpasati ləlvəv waali ɪ təɣə pusi nasəle na nunəwa (500) na si taa ké ɪ tasa apalvpiya na alvpiya ke ləlvəv.

¹² Aləpasatı pusi lapa hiu na naanowa na kakpası ilena í luli Sela. ¹³ Sela ləlvəyυ waalı ı təyə pusi nasəle na tooso (403) na sı taa ké ı tasa apaləpiya na aləpiya ke ləlvəyυ.

¹⁴ Sela pusi lapa hiu na naanowa ilena í luli İpee. ¹⁵ İpee ləlvəyυ waalı ı təyə pusi nasəle na tooso (403) na sı taa ké ı tasa apaləpiya na aləpiya ke ləlvəyυ.

¹⁶ İpee pusi lapa hiu na naanowa na liyiti ilena í luli Peleki. ¹⁷ Peleki ləlvəyυ waalı İpee təyə pusi nasəle na hiu na naanowa (430) na sı taa ké ı tasa apaləpiya na aləpiya ke ləlvəyυ.

¹⁸ Peleki pusi lapa hiu na naanowa ké ilena í luli Leu. ¹⁹ Leu ləlvəyυ waalı ı təyə pusi pəyələyafei ηmənuyυ na naanowa (209) na sı taa ké ı tasa apaləpiya na aləpiya ke ləlvəyυ.

²⁰ Leu pusi lapa hiu na naanowa na naale ké ilena í luli Selu. ²¹ Selu ləlvəyυ waalı Leu təyə pusi ηmənuyυ na naatosompəyələya (207) na sı taa ké ı tasa apaləpiya na aləpiya ke ləlvəyυ.

²² Selu pusi lapa hiu na naanowa ilena í luli Nahoo. ²³ Nahoo ləlvəyυ waalı ı təyə pusi ηmənuyυ (200) na sı taa ké ı tasa apaləpiya na aləpiya ke ləlvəyυ.

²⁴ Nahoo pusi lapa pəyələyafei hiu na naanowa ké ilena í luli Tela. ²⁵ Tela ləlvəyυ waalı Nahoo təyə pusi pəyələyafei nunowa na hiu (119) na sı taa ké ı tasa apaləpiya na aləpiya ke ləlvəyυ.

²⁶ Tela pusi lapa nutoso na naanowa ké ilena í luli Apəlam na Nahoo na Halaη.

²⁷ Tela ləlvəyυ nyəma həla ntə cəne. ı lula Apəlam, na Nahoo, na Halaη. İlena Halaη náá luli Ləəti.

²⁸ Ama Halaη ná səpa Uu ıcate taa timpi pa lula-ı təyə Papiloni tetυ taa na ı caa Tela ta səta. ²⁹ İlena

Apəlam náá kpaɣa Salai, na Nahoo náá kpaɣa Isika caa Halan pɛɛlɔ Milika. ³⁰ Salai ílé í ka ké kaalɔlaya ké í fei pəyaya.

³¹ M̀p̀ỳg̀ỳ Tela kpaɣa í pəyalɔ Apəlam na í saali Lɔɔti na í poolu Salai na pá lu Uu ké Papiloni sí pa puki Kanaan tetu taa. Pa tala Halan ɔcate taa ilena pá caya təna. ³² Tela pusi təna yoosa ηmɔnɔyɔ na kakpasí (205) ilena í sí təna.

APƏLAHAM TƏM

12

Apəlam luw ké í tetu taa

¹ M̀p̀ỳg̀ỳ kuyaku nakɔli Tacaa heela Apəlam sí: Lu nyá tetu taa ké nyá nyəma heku ke nyá caa təyaya taa, na í polo tetu nti maa hɔli-η tɔ tə taa. ² Maa yele na nyá piitim la səsəəm na má kooli-η kɔpantu, na nyá həte yaa, na í pəsi kɔpantu tiipiiu. ³ Maa kooli kɔpantu ke nyá kɔpantu koollaa na ma sukɔ mpusi ké mpa pɛle paa sukɔ-η mpusi tɔ. Nyá tɔɔ ké atɛ piitimnaa ká hiki nyɔleleɲ na pá kooli-wɛyɛ koolee kɔpana.

⁴⁻⁵ M̀p̀ỳg̀ỳle Apəlam kpaɣa í alɔ Salai na í taalɔ pəyaya Lɔɔti na í wɛnaw təna na í təmle nyəma mpa í hika Halan tɔ na í lu təna isu Tacaa ka heeluyɔ-í tɔ na í tɛɛ Kanaan tetu taa.

Apəlam pola Kanaan na Icipiti pə tetvnaa taa

Waatu unɔ í pusi ka wɛ nutoso na naanɔwa na kakpasí. I tapa tetu nti ilena ⁶ í faya tə taa na í polo Molee tuɲ səsəəɲ tɛɛ ké timpi pa yaa sí Sikem tɔ. Waatu unɔ Kanaan nyəma ká wenna həɣɔlɔyɔ ηku ku taa.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377